

Kartëskò kòlibiònka

Jezëskù, pòjkòj
Do naszëch serców
Nick sã nie bójkòj
Mómë w nich czësto
I kòlibiònkã
Prostã i szczerã
Òd kartëzónów
Ùczëje Jezësk:

Haszkù, Malinczi
Żużkòj, le spijkòj.
Biżkù, Bòrénkù
Lulkòj, Bòziczkù.

Przë naszim stole
Sadniemë zgòdã
Bãdze brzadowò,
Pùlczì ze sledzã...
Czedë zaklepiesz
Jezë na dwiérze
Nicht nie òdpòwié:
Wanogò, biòj-że!

Haszkù, Malinczi
Żużkòj, le spijkòj.
Biżkù, Bòrénkù
Lulkòj, Bòziczkù.

Bùtenkù zëmkò
Wiaterk tak dmùszkò
Të w mòjim sercu
Spisz òpòcuszkù
Niech Cë sã, Bòże
Wësnia Kaszëbë
Dze mdziesz miòł dobrze,
Wnetkã jak w niebie...

Haszkù, Malinczi
Żużkòj, le spijkòj.
Biżkù, Bòrénkù
Lulkòj, Bòziczkù.

Tómk Fópka, Chwaszczëno, 12 séwnika 2021 rokù, gòdz. 7.30